

172

24. okt.

AUGLÝSING

um staðfesting dóms- og kirkjumálaráðuneytisins á reglugerð um breyting á reglugerð nr. 206 1939, um barnavernd í Seyðisfjarðarkaupstað.

Samkvæmt 2. gr. laga nr. 76 frá 19. júní 1933, um breyting á lögum nr. 43 frá 1932, um barnavernd, er hér með staðfest eftirfarandi

REGLUGERÐ

um breyting á reglugerð nr. 206 1939, um barnavernd í Seyðisfjarðarkaupstað.

1. gr.

1. og 2. mgr. 6. greinar hljóði svo:

Börn innan 14 ára aldurs mega ekki vera á almannafæri eftir kl. 8 síðdegis á tímabilinu frá 1. október til 1. maí, og eftir kl. 11 síðdegis á tímabilinu 1. maí til 1. október, nema í fylgd með fullorðnum, sem bera ábyrgð á þeim.

2. gr.

Reglugerð þessi öðlast þegar gildi.

Þetta birtist hér með öllum þeim, sem hlut eiga að máli.

Í dóms- og kirkjumálaráðuneytinu, 24. október 1940.

Hermann Jónasson.

Gústav A. Jónasson.

173

24. okt.

REGLUR

fyrir fiskibáta á Akureyri og við Eyjafjörð undir 80 tonnum, sem stunda vilja fiskveiðar á myrkvunartímanum.

1. gr.

Nöfn bátanna, númer og tala áhafna á bátunum ber að afhenda brezka hafnareftirlitsmanninum. Skrá með þessum upplýsingum á stjórn sjómannafélagsins að gefa yfir alla þá báta, sem líklegir eru að stunda fiskveiðar vetrarlangt. Skráin afhendist brezka hafnareftirlitsmanninum fyrir 21. þ. m.

Formennirnir á bátunum sjái um að hafnareftirlitsmanninum brezka sé skýrt frá því, ekki seinna en einni klukkustund fyrir myrkvunartímann, ef þeir ætla til sjóróðra og skal sérstaklega tekið fram, ef þeir ætla út fyrir línuna, (Hjalteyrarviti rétt austur), því enginn bátur má koma aftur inn fyrir línuna, á myrkvunartímanum, ef hann hefir ekki tilkynnt þetta.

Tilkynning þessi, um ferðir bátanna, skal lätin í bréfkassa í norður-anddyri hússins nr. 90 í Hafnarstræti.

2. gr.

Myrkvunartímann fá menn að vita um á skrifstofu lögreglustjóra.

3. gr.

Á Oddeyri er brezkur hervörður, hefir hann ljósaútbúnað og bregður ljósi yfir bátana, svo númer þeirra sjáist. Ber bátunum að sigla eins nálægt Oddeyrinni og þeir geta.

Bátar, sem þekkjast á númerunum, fá að halda áfram, en hinir verða stöðvaðir. 173

Til þess að tryggja, að númer sjáist, verða einkennisstafir og númerin að vera 24. okt. eitt fet á hæð.

4. gr.

Bátar þeir, sem greindir eru hér að framan, mega á daginn fiska þar sem þeir vilja, en á myrkvunartímanum verða þeir að halda sig 200 metra frá landi.

Þetta ákvæði gildir þar til öðruvísi verður ákveðið.

Þetta tilkynnist öllum og eru reglur þessar þegar komnar til framkvæmda.

Lögreglustjórinn á Akureyri og í Eyjafjarðarsýslu, 24. október 1940.

Sig. Eggerz.

Staðfesting ráðuneytis Íslands á skipulagsskrá fyrir „Menningarsjóð Hallormsstaðarskóla“, útgefin á venjulegan hátt 25. október 1940 af dóms- og kirkjumála- 25. okt. ráðherra.

Skipulagsskráin er þannig:

SKIPULAGSSKRÁ

fyrir Menningarsjóð Hallormsstaðarskóla.

1. gr.

Sjóðurinn heitir Menningarsjóður Hallormsstaðarskóla og er stofnaður á aðalfundi Sambands íslenzkra samvinnufélaga á Hallormsstað 1938.

Stofnfé sjóðsins er kr. 3000.00 — þrjú þúsund krónur —.

Stofnandi sjóðsins er Samband íslenzkra samvinnufélaga.

2. gr.

Sjóðurinn er afhentur húsmæðraskólanum á Hallormsstað til fullrar og ótakmarkaðrar eignar og umráða.

Hann er afhentur í peningum.

Sjóðinn skal ávaxta á öruggan hátt eða eins og stjórn hans telur hagkvæmast.

Næstu 10 árin skal $\frac{1}{4}$ vaxtanna árlega lagður við höfuðstólinn. Má ekki skerða höfuðstólinn þann tíma. Að 10 árum liðnum skal skipulagsskráin endurskoðuð og þá ákveðin meðferð höfuðstóls og vaxta eftir því, sem henta þykir. Sjá þó 3. gr.

3. gr.

Sjóðurinn skal ávallt starfa sem menningarsjóður húsmæðraskólans á Hallormsstað.

Skal árlega verja $\frac{3}{4}$ vaxta hans til híbýlaprýði og annara umbóta innanhúss næstu 10 ár. Sjá 2. gr.

Fyrsta vaxtaúthlutun fer fram 1940 af ársvöxtum 1939 og 1940.

4. gr.

Skólaráð húsmæðraskólans á Hallormsstað hefir á hendi yfirumsjón sjóðsins, en að öðru leyti hefir forstöðukona skólans ráðsmennsku hans.

Reikningur sjóðsins skal árlega birtur á þann hátt, sem skólaráðið telur hentugast.